



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

XLIX. De non recipiendis Fratribus Congregationis Galliæ Tertii Ordinis S.
Francisci Provinciæ Sancti Joannis.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

gnitate fulgentibus, ut executioni presentis hujus Nostri Decreti omnino studeant, neque illi quoque modo contraveniri permittant sub pena suspensionis a suis respective officiis ipso facto incurrendo, aliisque Nobis arbitrariis; Illudque de more in omnibus illius Provinciae Domibus publicari, affigi, & registrari curent. Datum Romae in aedibus Nostri Sanctae Mariae Magdalene die 3. Aprilis 1723. -- Ita est Philippus Russi Secretarius Generalis.

Preces Confulcoris Generalis pro d. Provincia.

§. 3. Cum autem sicut eadem expositio sub-
jungebat dictos Franciscus praemissa, quo firmus subsistant, Apostolicae Confirmationis nostrae patrocinio communiri summopere desideret: Nos ipsum Franciscum specialibus favoribus, & gratis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, supplicationibus eius nomine Nobis super hoc humiliter porrectis inclinari, Decretum praesentium auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus, ac ipsum Decretum observari mandamus.

Confirmatio relati Decreti.

Clausula.

§. 4. Decernentes eandem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore spectabit, inviolabiliter observari: sicque in praemissis per quoscumque Judices Ordinarios, & Delegatos etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

Cum derogatoriis.

§. 5. Non obstantibus Constitutionibus, & Ordinationibus Apostolicis, necnon quatenus opus sit Congregationis, & Provinciae praedictarum, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permansuris ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud S. Petrum sub Anno Piscatoris die XXI. Aprilis MDCCXXV. Pontificatus Nostri Anno Primo.

XLVIII.

Conceditur Christianis fidelibus facultas applicandi Indulgentias, Anno Jubilaei durante suspensas, per modum suffragii animabus defunctorum.

Dicta suspensio facta fuit Const. ed. 1724. Jul. 6. P. 1. Et const. ed. 1725. Mart. 2. P. 1. declaratur quaedam Indulgentias in dicta suspensione non comprehendi.

Dat. 28. Apr. 1725. An. 1.

BENEDICTUS PAPA XIII.

Universis Christianis fidelibus salutem, & Apostolicam Benedictionem.

Exordium.

Salvatoris, & Domini nostri Jesu Christi, qui de sinu Patris ad infima Mundi descendens, & formam Servi accipiens in ara Crucis pro humani generis redemptione pretiosissimum Sanguinem suum effundere dignatus est, vices quamquam immeriti gerentes in terris, ad ea libenter intendimus, per quae fidelium Defunctorum

animae, hoc potissimum tempore, expiationis scilicet, & veniae, remissionis, & gratiae, ejusdem Domini nostri Jesu Christi, ejusque Sanctorum suffragia meritotum uberius consequi, & illis adjuncta ex Purgatorii penis ad aeternam salutem per Dei misericordiam perducere valeant.

§. 1. Cum itaque nos occasione praesentis Anni Jubilaei omnes, & singulas Indulgentias, & peccatorum remissiones quomodolibet concessas dicto Anno durante, sub certis modo, & forma tunc expressis per nostras sub plumbo expeditas literas suspenderit; ac postmodum sub generali suspensione hujusmodi, neque Indulgentias Altarium Privilegiatorum pro fidelibus Defunctis, nec alias quascumque eodem modo pro solis Defunctis concessas venire, sed quas vivi sibi lucrari possent cum facultate illas per modum suffragii Animabus ipsorum Defunctorum in Purgatorio existentibus applicandi comprehensas esse, inter alia declaraverimus, prout in nostris desuper in simili forma Brevis die 2. Mensis Martii proxime praeteriti confectis literis, quarum tenorem praesentibus pro plene, & sufficienter expresso, ac de verbo ad verbum inserto haberi volumus, plenius continetur.

Alias ab eodem Pontifice Indulgentiae omnes Anno Jubilaei durante, suspensae fuerunt.

§. 2. Nunc vero fidelium devotioni, Animarumque eorumdem Defunctorum refrigerio per amplius consulere cupientes, ac declarationem a nobis, sicut praemittitur, editam ampliandam, & extendendam, omnibus, & singulis Christianis fidelibus, quod quascumque Indulgentias, & peccatorum remissiones, ut praesertim, suspensas (injuncta tamen in illarum concessionibus pietatis opera peragendo, ac firma remanente pro vivis earum suspensione) ad effectum illas Animabus fidelium Defunctorum, quae Deo in charitate conjunctae ab hac luce migraverint per modum suffragii hoc Anno Jubilaei durante directe applicandi, etiam eas sic applicandi facultas in concessionibus praedictis concessa non fuerit, consequi libere, & licite possint, & valeant in omnibus, & per omnia, perinde, ac si suspensio praefata a nobis non emanasset, auctoritate Apostolica tenore praesentium concedimus, & indulgemus.

Concessio praedicta.

§. 3. Non obstantibus suspensione hujusmodi, ceterisque contrariis quibuscumque.

Clausula.

§. 4. Volumus autem, ut praesentium literarum transumptis, seu exemplis, etiam impressis manu alicujus Notarii publici subscriptis, & Sigillo Personae in Ecclesiastica dignitate constitutae munitis, eadem prorsus fides ubique adhibeatur, quae adhiberetur ipsis praesentibus, si forent exhibitae, vel ostensa.

Datum Romae apud S. Petrum sub Anno Piscatoris die XXVIII. Aprilis MDCCXXV. Pontificatus Nostri Anno Primo.

Confirmatur quaedam Gregorii XV. Constitutio de non recipiendis Fratibus Congregationis Galliae Tertii Ordinis S. Francisci Provinciae S. Joannis; cum ejus ampla extensione.

XLIX.

Hac de re legatur dicta Constitutio Gregorii XV. quae hic citatur. Clem. XI. Const. ed. 1708. August. 9. P. 8. agitur de Electione Vic. Generalis eorundem Fratrum Provinciae Lugdunen.

BENEDICTUS PAPA XIII.

Ad perpetuam rei memoriam.

Exponi Nobis nuper fecit dilectus filius modernus Procurator Generalis Provinciae Sancti Joannis Tertii Ordinis Sancti Francisci de Penitentia nuncupat. Congregationis Galliae, quod dudum fel. rec. Gregorius Papa XV. Praedecessor Noster per quasdam suas in simili forma

Dat. 2. Maji 1725. An. 1.

Alias a Gregorio XV. statutum, ne Superiores aliorum Ordinum reciperent quoscumque Pro-

Brevis

1725.
fessum dictæ
Congreg.

Verum ali-
quando con-
tra illam ali-
quid perpe-
tratum.

Causæ præ-
sentis confir-
mationis, &
extensionis.

Preces Prio-
ris Generalis
d. Provincie.

Confirmatio
prædictarum
Gregorii Li-
terarum.

Extensio
eiusdem.

Clausulæ.

Brevis expeditas Literas, ne quis Prælatorum, aut Superiorum, seu Fratrum aliorum Ordinum mendicantium quemquam dicti Tertii Ordinis professum sub quovis prætextu, & colore absque ejusdem Congregationis Ministrorum Provincialium licentia in scriptis recipere auderet sub pœna Excommunicationis, aliisque Censuris, & pœnis Ecclesiasticis arbitrio suo infligendis interdixit, & prohibuit, & nihilominus cum anno 1656. die 11. Decembris tunc existens Vicarius Generalis totius Ordinis ejusdem Sancti Francisci Spiritui a Sancto Antonio Presbytero expresse professio dictæ Provincie transitum ad Ordinem Fratrum Minorum de observantia Provincie Parisiensis permisisset, Congregatio tunc existentium Sanctæ Romanæ Ecclesiæ Cardinalium negotiis, & consultationibus Episcoporum, & Regularium præposita, eundem transitum nullum, & invalidum tanquam prædictis Gregorii Prædecessoris Literis contrarium per suum Decretum die 3. Augusti 1622. emanatum declaravit; novissime vero fratres Minores de observantia supradictæ Provincie Parisiensis sub prætextu cujusdam Decreti subreptitii Ministri Generalis Ordinis hujusmodi Josephum Seigneur Laicum, seu Conversum expresse professum memoratæ Provincie Sancti Joannis receperunt, sed idem Minister generalis attendens, & reflectens ad easdem Gregorii Prædecessoris Literas, & ad Cap. 2. num. 4. Constitutionum decretum supradictum revocavit, nullumque, irritum, & invalidum die 16. Maji anni proxime præteriti per suas literas Ministro Provinciali dictæ Provincie Sancti Joannis directas declaravit.

§. 2. Cum autem, sicut eadem Expositio subjungebat his tamen non obstantibus certi quidem fratres dycolli hujus Religionis austeræ, quæ semper in viridi observantia viget, jugum ægre ferentes, literas ipsius Gregorii Prædecessoris nullum nunc habere locum, ex eo quod a Nobis confirmatæ non fuerint, temerarie asseverare non dubitent; itaut nonnulli ejusdem Provincie Religiosi cum Decretis subreptitiæ, aut obreptitiæ ab hac Sancta Sede obtentis ad alias Religiones tam mendicantes, quam non mendicantes a parvo tempore transiverint, suoque pessimo exemplo maximum aliis dycolis similis translationis Literas Apostolicas obtinendi prurium, aviditatemque caulaverint; ac proinde dictus Procurator hæc omnia cum maximo suo dolore perpensens supradictas Gregorii Prædecessoris Literas Apostolicæ Confirmationis nostræ patrocinio communiri, & ut infra indulgeri plurimum desideret, Nos specialem ipsi Procuratori gratiam facere volentes, eumque a quibusvis Excommunicationis, suspensionis, & Interdicti, aliisque Ecclesiasticis sententiis, Censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, præfatas Gregorii Prædecessoris literas auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, illas etiam extendimus, prohibendo, ne Fratres memoratæ Provincie Sancti Joannis in posterum ad quascumque alias Religiones, sive mendicantes, sive non mendicantes absque licentia in scriptis pro tempore existentis Ministri Provincialis, vel inconsulto illius Provincie Procuratore transire possint.

§. 3. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari: sicque, in præ-

missis per quoscumque Judices Ordinarios, & Delegatos etiam Causarum Palatii Apostolici Auditores judicari, & definiti debere: ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in præinsertis Gregorii Prædecessoris literis concessa sunt non obstat, cæterisque contrariis quibuscumque.

Datum Romæ apud S. Petrum sub Annulo Piscatoris die 11. Maji MDCCXXV. Pontificatus nostri Anno Primo.

Statuuntur nonnulla circa Clericos Beneficiatos in habitu laicali incedentes.

Hujus Const. ed. 1724. Sept. 23. P. 1. Confirmata, & innovata fuit Const. Inn. XIII. super Ecclesiastica disciplina in Regnis Hispaniarum.

BENEDICTUS EPISCOPUS

Servus Servorum Dei. Ad perpetuam rei memoriam.

Apostolicæ Ecclesiæ Regimini per ineffabilem Divinæ Bonitatis abundantiam nullo licet meritorum nostrorum suffragio, præfidentes, eo potissimum Apostolicæ vigilantie studia dirigenda esse arbitramur, ut qui in fortem Domini vocati sunt, Ecclesiasticæque Militiæ nomen dederunt, ubique irreprehensibiles inveniantur. Maxime siquidem ipsos decet vitam, moresque suos omnes ita componere, ut habitu, gestu, incessu, aliisque omnibus rebus nil nisi grave moderatum, ac religione plenum præferant. Quocirca Clericos quoscumque, præsertim vero Beneficia Ecclesiastica obtinentes, teneri vestes honestas, & proprio congruentes Ordini semper deferre, ut per decentiam habitus extrinseci, morum honestatem intrinsecam ostendant, & si secus fecerint, etiam pœna privationis Beneficiorum plectendos esse, Sacræ Tridentinæ Synodi Decretis, pluribusque Romanorum Pontificum Prædecessorum Nostrorum Sanctionibus, provide, atque salubriter cautum sit.

§. 1. Cum itaque, sicut non sine maximo animi nostri mœrore, imo etiam horrore percepimus quorundam Clericorum Beneficia Ecclesiastica obtinentium audacia, & temeritas hodie eo usque processerit, ut in dedecus Ordinis Clericalis, Sacrorum Canonum contemptum, magnamque Animarum suarum perniciem incedere in habitu laicali minime vereantur; Nos gravissimo huic abusui, & Christifidelium offensionem pro Pastoralis Officii debito, quantum Nobis ex alto conceditur, opportune consulere cupientes, de nonnullorum Venerabilium Fratrum Nostrorum Sanctæ Romanæ Ecclesiæ Cardinalium, & aliquot insuper dilectorum Filiorum Romanæ Curiæ Prælatorum, quos ad id specialiter deputavimus consilio, ac etiam Motu proprio, ex certa scientia ac matura deliberatione Nostri, deque Apostolicæ potestatis plenitudine, hac Nostra perpetuo valitura Constitutione decernimus, statuimus, & mandamus, quod Ordinarii Locorum, ubi sita sunt Beneficia ejusmodi Clericorum vestes laicales deferentium impudentiam canonicis remediis omnino coercerent, & hunc in finem non modo possint, sed etiam debeant contra ipsos procedere per citationes Domi dimissa copia, quatenus domicilium habeant in eorum respectivo Diœcesibus: sin minus per citationes ad Valvas, Jurisque ordine servato sententiam declaratoriam privationis obtentorum Beneficiorum in ipsos ferre, & pronuciare, ita tamen ut eadem Bene-

L.

Dat. 2. Maji
1725. An. 1.

Procedimus, quo demonstratur Clericis decentem habitum deferre debere.

Causæ præsentis Constitutionis.

Statuuntur, ut Ordinarii Clericos Beneficiatos in habitu Laicali incedentes coercerent.